

**ՄԱՔՐԵՆՔ ԱՍՏՈՒԾՈՅ ՏԱՃԱՐԸ՝  
ՄԵՐ ԱՆՁԵՐԸ**

Մեր անձերը եւս արժանացնենք աստուածային ողջոյնին՝ մեր ազատ կամքով, որովհետեւ Անոր տունն ենք, եւ կ'արժանացնենք, եթէ բարեգործութեամբ զՔրիստոս մեր մէջ ընդունինք: Իսկ եթէ զգալութեամբ աւելնք եւ զարդարենք մեր անձերը, ինչպէս նաեւ աստուածային ողջոյնին հակառակ եղող ամէն բան որպէս անպէտք այդ դուրս թափենք, Բանը (Քրիստոս) ոչ միայն կը փծացնէ իր հակառակորդը եւ մեր մէջ կը բնակի, ինչպէս Մարիամին, այլ՝ Հայրը եւս իր հետ ներս կը բերէ, ինչպէս ըսաւ. «Ան, որ զիս կը սիրէ, խօսքս կը պահէ եւ Հայրս ալ զինք պիտի սիրէ. պիտի գանք եւ բնակինք անոր մէջ (Յովհ. 23): Ան, որ իսկապէս կը սիրէ Յիսուսը՝ ճշմարիտ խաղաղութիւնը, երբեք չ'ըներ այն գործերը, զորս Բանը կ'ատէ, այսինքն ամէն տեսակի մեղքերն ու անկարգութիւնները՝ արծաթասիրութիւնը, ազահութիւնը, ատելութիւնը եւ ոխակալութիւնը, անողորմութիւնն ու քինախնդութիւնը, նախանձր եւ բամբասանքը, շնութիւնը, գողութիւնն ու սպաննութիւնը, որկրամոլութիւնը, զինովութիւնը եւ անոնց նման բոլոր այն արարքները, զորս կ'ատէ Յիսուս՝ խաղաղութեան սուրհիչը:

**ՅԱՅՏԱՐԱՐՈՒԹԻՒՆ  
ԵՐԵՔՇԱԲԹԻ ԳԻՇԵՐՈՒԱՆ  
ՍՈՒՐԲ ՊԱՏԱՐԱԳ ԵՒ  
ՀԱՅ ՔՐԻՍՏՈՆԷԱԿԱՆ ԿԵԱՆՔԻ  
ՔՆՆԱՐԿՈՒՄ**

Կազմակերպութեամբ Կրօնական ժողովին եւ Ազգային առաջնորդարանի «ԱՅՈ» երիտասարդական յանձնախումբին, ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցոյ մէջ, սուրբ պատարագ պիտի մատուցուի:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդածութիւն պիտի կատարէ Լիբանանի Հայոց առաջնորդ՝ Գերշ. Տ. Նարեկ Արքեպիսկոպոս:

Նաեւ, ամէն Երեքշաբթի գիշեր, ժամը 8:00-9:00, Ազգային առաջնորդարանի «Երջօ Սամուէլեան – Եռագոյն» սրահին մէջ, Արժ. Տ. Ղեւոնդ քհն. Լոշխաճեան Աստուածաշունչի սերտողութիւն պիտի կատարէ մեր ժողովուրդի գաւակներուն համար:

Միւրեւի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

**ՀԱՍՑԷ.**

ՃՐԱԳ ՇԱՐԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 – facebook-ի էջ jerak Ծրագր թերթ



ԲՈՒ ԽՕՍԲԴ ԽՍ ՈՅԲԵՐՈՒՄ ԵՐԱԳ Է ՈՒ ԽՍ ԾԱԽՂՆԵՐՈՒՄ ԼՈՅՍ (Ս. 119.105)

ԺԲ. ՏԱՐԻ ԿԻՐԱԿԻ, 17 ՆՈՅՄԱԵՐ 2019 ԹԻԻ 46

ԿԻՐԱԿԻ ՕՐԵՐՈՒ ԱՍՏՈՒԾԱԾՆՉԱԿԱՆ ԸՆԹԵՐՑՈՒՄՆԵՐ  
Ես 25.9-26.7: Փլպ 1.1-11:  
ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ ԸՍՏ ՂՈՒԿԱՍ 9.44-50

**ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ  
ԸՍՏ ՂՈՒԿԱՍԻ  
9.44-50**

Մինչ ժողովուրդը կը զարմանար իր կատարած գործերուն վրայ, Յիսուս աշակերտներուն դառնալով ըսաւ. «Լա՛ւ մտիկ ըրէք եւ մի՛ մոռնաք ասիկա. մարդու Որդին պիտի մատնուի մարդոց ձեռքը»: Սակայն աշակերտները չհասկցան խօսքին իմաստը, որովհետեւ Աստուած իրենցմէ ծածկած էր՝ որպէսզի չհասկնան: Միս կողմէ ալ կը վախճային իրեն հարցնելու այս մասին:

Աշակերտները սկսան վիճաբանիլ, թէ իրենցմէ ո՞վ է մեծը: Յիսուս գիտնալով անոնց մտածումը, մանուկ մը առաւ եւ իր մօտ կանգնեցնելով ըսաւ. «Ով որ այս մանուկը ընդունի իմ անունովս՝ զիս ընդունած կ'ըլլայ, եւ ով որ զիս ընդունած է, ընդունած կ'ըլլայ զիս դրկողը: Որովհետեւ ով որ ձեր մէջ ամէնէն փոքրիկն է, ան է մեծը»:

Յովհաննէս ըսաւ. «Վարդապետ, մէկը տեսանք, որ քու անունովդ դեւեր կը հանէր եւ մենք արգիլեցինք իրեն, որովհետեւ քու հետեւորդներէդ չէ»:

Յիսուս ըսաւ. «Արգելք մի՛ ըլլաք իրեն. որովհետեւ ան, որ հակառակ չէ ձեզի, կը նշանակէ, թէ ձեր կողմն է»:

**«Որովհետեւ ով, որ ձեր մէջ ամէնէն փոքրիկն է, ան է մեծը»**

Քրիստոս այս պատգամին ընդմէջէն կը սորվեցնէ մեզի, թէ մեծութիւնը ոչ տարիքին մէջն է եւ ոչ պաշտօնին, ոչ նիւթականին եւ ոչ այլ հանգամանքին մէջ: Մեծութիւնը խոնարհութեան եւ ծառայութեան մէջ է աւելին անմեղութեան եւ անկեղծութեան մէջն է մեծութիւնը: Մեծ ըլլալու համար պէտք է ամէնէն փոքրիկը ըլլանք: Փոքրիկը անմեղութեան եւ պարզութեան խորհրդանիշ է հետեւաբար Քրիստոս կը հրաւիրէ մեզ ըլլալ փոքրիկ՝ նուազ մեղք ունեցող անհատներ: Խոնարհեցնենք մեր անձերը որպէսզի բարձրանանք:

**ՄԱՐԳԱՐԵԱԿԱՆ ԳԻՐՔԵՐ**  
**ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԵՍԱՅԻ ՄԱՐԳԱՐԵԻ ԳԻՐՔԵՆ**  
**25.9- -26.7**

Այն օրը պիտի ըսեն. *«Ահաւասիկ մեր Տէր Աստուածը, որուն ապաւինած էինք: Անիկա փրկեց մեզ, որովհետեւ ի՛նքն է Տէրը որուն յուսացած էինք: Յնձանք եւ ուրախանանք մեր փրկութեան համար»:*

Որովհետեւ այս լեռան վրայ Աստուած մեզ պիտի պաշտպանէ, իսկ Մովսէսը պիտի կոխկոտեն կամնասայլով:

Այո՛, Աստուած իր ձեռքը պիտի երկարէ եւ գայն խեղճացնէ ու կորուստի մատնէ, գայն վար բերելով այն բարձունքէն, որուն կը ձգտէր ան:

Աստուած պիտի փլցնէ քու բարձր եւ ամուր պարիսպներդ, ո՛վ Մովսէս, գանձնք գետնին հաւասարեցնելով: Այն օրը Հրէաստանի մէջ հետեւեալ երգը պիտի երգեն. *«Զօրաւոր է մեր քաղաքը, որովհետեւ մեր Փրկիչը ի՛նքն է անոր պարիսպն ու պատուարը:*

*Բացէ՛ք դռները, թող ներս գայ արդարութեան հետեւող եւ նշմարտութիւնը պահող ժողովուրդը. այն ժողովուրդը, որ նշմարտութիւնը կը պաշտպանէ եւ խաղաղութիւնը կը պահպանէ:*

*Միշտ քեզի՛ յուսացիմք, Տէ՛ր, ո՛վ Աստուած, մեծ եւ յաւիտեանական. դուն որ խոնարհեցուցիր եւ վար ձգեցիր երկինքի բնակիչ հրեշտակները, պիտի կործանես նաեւ մարդոց հզօր քաղաքները եւ զանոնք գետնին պիտի հաւասարեցնես:*

*Խոնարհներն ու հեզերը միայն պիտի բնակին այդ քաղաքներուն մէջ եւ տնանկները պիտի երթան հոն հաստատուելու:*

*Բարեպաշտներու նամբան ուղիղ է, Աստուած հարթած եւ պատրաստած է անոնց նամբան»:*

**ՊՕՂՈՍ ԱՌԱՔԵԱԼԻ ՆԱՄԱԿԸ**  
**ՓԻԼԻՊՊԵՑԻՆԵՐՈՒՆ**  
**1.1-11**

Պօղոս եւ Տիմոթէոս, Քրիստոս Յիսուսի ծառաներս, կը գրենք ձեզի՛ Քրիստոս Յիսուսի միացած բոլոր հաւատացեալներուդ, որ Փիլիպպէի կողմերը կը բնակիք, ինչպէս նաեւ եպիսկոպոսներուն ու սարկաւազներուն: Թող Աստուած մեր Հայրը եւ Տէրը Յիսուս Քրիստոս շնորհիք եւ խաղաղութիւն պարգեւեն ձեզի:

Ամէն անգամ, որ ձեզ յիշեմ գոհութիւն կը յայտնեմ իմ Աստուծոյս: Ամէն անգամ, որ ձեր բոլորին համար կ'աղօթեմ ուրախութեամբ կ'աղօթեմ, որովհետեւ առաջին օրէն մինչեւ հիմա ձեր մասնակցութիւնը բերիք աւետարանչութեան գործին: Եւ վստահ եմ, թէ Աստուած, որ այդ բարի գործը սկսաւ ձեր մէջ, գայն իր կատարումին պիտի հասցնէ մինչեւ Քրիստոս Յիսուսի օրը գայ: Իրաւունք կը համարեմ այսպէս խորհիլ ձեր բոլորին մասին եւ ձեզ սիրտիս մէջ ունիմ, որովհետեւ բոլորդ ալ մասնակից եղաք ինծի վիճակուած շնորհիքին, ըլլա՛յ բանտարկութեանս ընթացքին, ըլլա՛յ երբ ազատ վիճակով Աւետարանը կը պաշտպանէի ու կը հաստատէի: Միայն Աստուած գիտէ, թէ ո՛րքան կարօտցած եմ ձեզ, Քրիստոս Յիսուսի գործովը:

Իմ աղօթքս է, որ ձեր սերը աւելի եւ աւելի անի աստուածգիտութեամբ եւ կատարեալ դատողութեամբ, որպէսզի կարենաք լաւը ընտրել եւ Քրիստոս իր գալստեան օրը ձեզ գտնէ մահուր եւ անբասիր, եւ Յիսուս Քրիստոսի միջոցաւ արդար գործերով հարստացած՝ պատճառ ըլլաք, որ Աստուած փառաւորուի եւ գովուի:

**ՍՈՒՐԲԵՐ ԵՒ ՏՕՆԵՐ**

**ՍՐԲՈՑ ԱՌԱՔԵԼՈՑԻՆ՝ ԱՆԴՐԷԻ ԵՒ ՓԻԼԻՊՊՈՒՑ**

**Անդրէաս Առաքեալ**

Անդրէաս առաքեալ Պետրոս առաքեալի եղբայրն է, որ Գալիլիոյ լիճին եզերքը իր եղբօրը՝ Պետրոսի հետ, կը կանչուի Քրիստոսի կողմէ առաքելութեան:

Անդրէաս նախապէս եղած է Յովհաննէս Սկրտիչի աշակերտը եւ լսած ըլլալով Յովհաննէսի վկայութիւնը Յիսուսի մասին նախքան Յիսուսէ կանչուիլը, արդէն անպաշտօն հետեւողը եղած է Յիսուսի եւ այդ պատճառով կոչուած է Նախակոչ առաքեալ:

Անդրէաս առաքեալ շատ քիչ կը յիշուի աւետարաններուն մէջ: Աւանդաբար կ'ըսուի թէ եղած է Սկիւթացիներուն քարոզիչ առաքեալը եւ սակայն եկեղեցի չէ հիմնած այնտեղ: Նաեւ քարոզած կը նկատուի Հիւսիսային Յունաստանի մէջ եւ նահատակուած Բաթրաս քաղաքին մէջ բազմապատկութեան նշանին նման խաչի մը վրայ, որով խաչի այդ ձեւը կը կոչուի նաեւ Ս. Անդրէասի Խաչ:

**Փիլիպպոս Առաքեալ**

Փիլիպպոս առաքեալ Բեթսաիիդայէն էր, Անդրէաս եւ Պետրոս առաքեալներուն քաղաքէն (Յհ 1.44): Յիսուս երբ կը կանչէ զինք առաքելութեան, Փիլիպպոս առաքեալ առանց ժամանակ կորսնցնելու կ'երթայ եւ կ'աւետէ Նաթանայէլին, թէ գտած են այն մարդը, որու մասին Օրէնքի գիրքին մէջ գրուած է (Յհ 1.45): Փիլիպպոս առաքեալ երեք տարիներ հետեւելէ ետք Քրիստոսի, միւս առաքեալներուն նման, կ'անցնի առաքելութեան եւ ըստ աւանդութեան կը քարոզէ Փոքր Ասիոյ մէջ եւ կը նահատակուի խաչելութեամբ:

**ՀԱՒԱՏՔ**

**Այս բառին մասին շատ կը լսենք, կը կարդանք եկեք միասնաբար ծանօթանանք հաւատք բառին**

Հաւատք բառը, կրօնական առումով կը նշանակէ ամուր վստահութիւն աստուածային նշմարտութիւններու վրայ: Իսկ Պօղոս Առաքեալ այսպէս կը սահմանէ հաւատքը. *«Յուսացուած բաներուն հաստատութիւնն է եւ չտեսնուած բաներուն ապացոյցը կամ ստուգութիւնը» (Եբրայեցիս ԺԱ.1):*

Հաւատքը անհրաժեշտ պէտք մըն է մարդոց համար, որովհետեւ մարդոց բոլոր գործերը հիմնուած են հաւատքի վրայ: Այս երկրագունդը, որուն վրայ կ'ապրինք, լեցուն է այնպիսի իրողութիւններով՝ գորս չենք տեսներ մենք եւ չենք հասկնար, բայց գիտենք եւ կը հաւատանք, որ կան:

Երբեմն անձեր հարց կու տան եւ բացատրութիւն կը պահանջեն՝ թէ ինչպէ՞ս կրնան փաստել, որ Աստուած գոյութիւն ունի: Շատ պարզ է այս հարցումին պատասխանը: Ամենէն առաջ, մեր բանականութիւնն է, որ կը սորվեցնէ մեզի, թէ Աստուած կայ, որովհետեւ այս աշխարհին մէջ չկայ բան մը, որ չունենայ իր հեղինակը կամ պատճառը: Տուն մը առանց շինողի չի շինուիր: Որեւէ գործիք մը ինքն իրեն չի կրնար գոյութիւն ունենալ: Նոյնպէս այս երկրագունդը, այս տիեզերքը, իրենց գոյութեան եւ իրենց գոյութեան յայտնի եւ գաղտնի օրէնքներուն հեղինակ մը, ստեղծիչ մը, արարիչ մը ունին, որուն անունը մեր լեզուին մէջ ԱՍՏՈՒԱԾ է: Այս է պատճառը, որ ես ալ կը հաւատամ, թէ կա՛յ ԱՍՏՈՒԱԾ: